

同靈寶高功神錄卷之三十六

神虎攝召品

靈寶太赤金科曰青陽之君生炁之府有東斗主算君丹靈之君養光之府有西斗記名君元炁之君赤炎之府有南斗上生君太淵之君鬱絕之府有北斗落死君中和之君北魁玄範府有中斗大魁總監眾靈君自稟受太微一炁司命定算注錄勅籍大曰壽小曰算一算三日一百二十算為一壽一十二壽為一紀大功大德則以增壽小善小行則以增算大惡大罪則為奪壽小惡小非則為減算增延奪減算壽各有九等並皆東斗君主之屬陽明宮貪狼星君總之司馬命章敬諾恭順之後男

促直至祿盡命終魂歸大夜皆北斗落死君主之屬北極宮文曲星君總之自生而始記名主算上生落死莫不總監於中斗大魁府也主定十方世界四生六道魂魄神識府有七元神虎太一夫人主其職焉下有七玉女掌管簿籍司其死生總領魂魄也

第一提魂攝魄倒生玄司玉女蔣魁

第二主風癩顛癩壘癩瘡瘡死魂玉女張魁

第三主勞瘵癰疽死魂玉女趙魁

第四主瘟疫時行死魂玉女李魁

第五主驚弓刀刑自縊赴水投火自殘死魂玉女徐魁

第六主毒藥厭魅刀兵劫掠王法禽獸所害死魂玉女卜魁

第七主百病身死死魂玉女應魁

右七玉女主定疾病橫死亡人魂魄名字

姓氏別有玄司神虎大聖收留魂魄放留

生死皆主其職

雄左玉曹主魂玄伯何魁

雌右武鸞主魄主吏喬魁

右二大聖各有攝魄攝魂吏一萬二千人

主者之首有追魂使者三人齋持北魁玄

命太一玉札追取十方三界九地一切重

陰病橫死魂諸獄囚苦億曾萬祖先亡後

化一切魂魄立侍大聖部下

上部追魂使者侯魁中

中部追魂使者魏魁下

下部追魂使者張魁上


昔西山真人劉根遇太一玉女受傳三使

者功成遺龍虎山壁原洞中于今存焉自

正一天師三天外館受玄元金闕之旨錄

於部下垂銘洞中

銘曰篆文四十二字此篆文神




靈真處強者  
多立阻器於  
建息身司司  
張真西辨續決

正文銘曰


天一北作神虎書太一紫文寶章符北魁玄  
範在龍虎得者當尋西壁魯提魂攝魄乃玄  
司生死去留職付汝  
日星之光照耀八方鐵跡金晃寶光臺章威  
光燦燿洞朗三天坎水離火蕩陰易陽魂魄  
返嬰神炁貫常八門通幽勿遇死傷魂靈召  
到不得隱藏

鐵跡臺光之章



右章乃鬼神之秘寶得之生形為天仙神  
魂隨光赴壇開陰離業欲召無間魂魄以  
青素丹書七寸方同获神茯苓各二十四  
鉢水一升煎數沸安八門召魂壇中舉召  
魂幡歌斗章而召之

八門召魂壇




斗章

陰陽推運兮劫數更遷生死周流兮孰愚孰  
賢輪轉無窮兮上玄造化未出三界兮拘於  
神變魁魁東斗兮魁魁西轉魁魁南辰兮魁  
魁北面陰靈陰靈兮茫茫沒沒沒陽魂陽魂兮  
碌碌幽幽幽天地明兮萬鬼潛天地晦兮萬鬼  
爽陰陽運兮鬼神享太一召兮何遲遲先至  
後至兮律有賞感此傍徨兮赴我幡賜汝靈  
書歸上清

右手持召魂幡左手拍天皇印望東北方

歌斗章舉幡召魂不以徧數良久幡垂地  
地其魂來矣魂靈見臺光之章爭入其壇  
飲哺師即以柳枝灑淨為度魂識需此章  
津解脫苦惱生形化肌靈識變通灼然語  
質分明

召魂幡面符



大魁總監符



右幡以日紳中央分為二幡各幅截一尺  
五寸為蓋二尺為身三尺五寸作手足造  
幡二首面書前太一返形符朱書下書七  
人姓氏背書大魁總監符下書三魂七魄  
名

上部使者符 中部符 中部使者 額黃絹 紅抹

缺符

中部使者符 下部符 下部使者 額黃絹 紅抹 黃抹

缺符

下部使者符 上部符 上部使者 額黃絹 紅抹 紅抹


缺符

右三部追魂使者符以青緋紅緋黃緋各九寸上以五彩繪畫使者形容下書真形

符並朱書姓氏同混元玉札及關引烈火一處焚之此使者持符上入九清下入九壘以至十方三界羅酆北都九幽諸獄洞府仙官開關通道追取亡魂徑赴法會無所不達臨遣步入斗呪曰

太一紫元君天一北祚勅神虎戟飛運招搖一統隨玉札所至處十方精光都一吸右呪畢七次嚥水一口以扇扇灰往十方祝白使者若其人速赴生方死路追取其人魂魄速赴法會領受靈寶昇度功德

北斗太一玄冥神虎玉札式



天一北祚符命太一紫元神文玄冥混元玉札告下三界十方天曹地府山川河嶽泉曲冥關北都羅酆六洞十官三元九府百二十曹鬱絕之鄉幽陰之境諸大地獄九州分野城隍社令里域丘墟黃泉蒿里十二河源主

宰魂魄應于合屬去處追取上件亡過某某等魂魄精神徑離所部速到靈寶玄壇朝謁上帝領受殊恩神虎奉行萬神敬聽

大歲年月朔日時告下具法師銜位日姓某某告行


內封皮


右札朱書白素玉札文姓氏封皮並黑書神虎玉札追取亡某魂魄 具位日姓某某謹封

方玉

神虎混元玉札告下十方三界生死之方 具位日姓某某謹重封

七玉女符





右七五女真符乃北魁玄苑府追攝玉女  
貴賤生死簿書乃蔣仁貴為首領也其餘  
一同

陽耀壇使者胡魁魁  
錄 年黃中王

陽耀通關壇




黃紙朱書於微心  
書符呪  
從魂攝魄飛變急急如  
律令

右主攝先亡祖考億曾萬祖近化姻親一  
切春屬魂魄

陰靈壇使者劉鳴鳴  
錄 年黃中王帶執

陰靈攝魄壇



青紙朱書安壇心  
書符呪  
神虎攝魄憑憑付身急急  
如律令

右主攝病死橫夫自傷破殘因繫久沉冥  
司一切魂魄二壇以新淨沙土二石布於  
地上方六尺或三尺六寸細節勻淨沙土

以左手拍天皇印右手拍玉清訣以中指  
依樣書之立監獄使者名位中立獄名於  
前以神虎攝魂符沉西流水中噴其  
一切亡魂立見真形與生世之人交通言語  
歷歷可問若生人悲哭則速矣若忻喜則  
亡魂盡見其質與生人無異萬日共相往  
來如常仍加敬重所召所遣如響如報  
應在於頃刻尤忌嗔怒非私心妄召餘無  
所戒矣

神虎攝魂符

神虎大聖初 神虎攝魂符  
攝魂現形 一十五人 上開攝付  
此 化元章白 點微使者劉鳴鳴  
錄 星飛畢 急急今現形使者  
張信魏達夜迪進赴魂神

合形  
神虎神君初左右衛聖追魂神吏引  
魂童子連奉神虎勅急急如律令

合形



右符黑書白素天皇印玉清訣北炁吹水  
中噴其壇中及一室四面即立見形

神虎幽寂符

主神虎 將令右神 神虎追魂使者  
大聖勅 虎大聖勅 何昌喬荀使迪  
魏達 神虎玉女七人內玄司 使者  
張信 玉女薛仁貴葉符奉行 劉忠

憑什身來神虎哉 化元潔白  
飛運招挂一統隨 星飛畢



合形

急力神虎攝噫夏什身形急急  
如律令

右符未書黃素沉於流水中師先吞一道  
次行用立驗若死亡在道化三年者可書  
符燒灰手內擊之呪祝某人家亡魂吹柱  
東北方次以前符水噴於壁上其亡魂立  
見又有死期未至卒然奄謝或悟中惡鬼  
狂神忤逆<sup>此</sup>或卒病而大天命未竭而  
死未及三日者以等身緋緋縹緋尸將此  
符朱書白縑七寸火化於人中之下仍依  
前告玉札不移時神魂再返元尸立得更  
生如天年算終問訖復遣若非此限啓奏

上帝以勅不正素非得遵古化道契真風  
者天不負此三感之外不神也所謂回尸  
起死无量度人

天皇訣

以二指拍大指根却以大指拍中指中文  
餘三指開闊勢屈向後如斗標前如斗口  
中有二尊帝星以印呼雷役電止兩召龍  
禁勅雷霆之怒收攝虎豹之瘳役神攝鬼  
皆用此印

神虎罡



剪身昇度法

先以淨草隨男女形狀作一生前身軀着  
生前衣服腹中安大梵隱語頭上戴昇天  
大券以秤架一具剪身安秤鈎上懸空不  
着地先令秤平置之門外居魂壇中仍以  
小兒持白縑召魂幡法師歌斗章召魂來  
赴剪身忽然墜下秤鈎重於常時其魂幡

亦墜卒稍重乃知亡魂已至即取臺光章  
所煎香湯以楊柳枝灑盡次請道眾誦大  
梵隱語引亡魂赴浴訖詣三寶前聽受符  
戒并齋供事竟高功即令先治一室可及  
三間安建攝魂壇先於四面籬壁并以白  
紙泥飾使無一點瑕痕離後壁三尺四寸  
以淨黃土建陽耀通關壇陰靈攝魂壇共  
二壇勻淨法師左手搖天皇印右手玉清  
訣依符樣以中指畫訖於壇中心立白紙  
位牌各一上寫監獄使者又於壇前各立

黃位牌一箇各書壇名次於二壇之前立  
洞案之上設攝魂將吏聖位已具于壇幕  
式品中用時花淨茶酒果香燭供養三獻  
訖法師令二小童子執幡赴壇以禱安壇  
心法師先將幽寂符自吞又以一符燒灰  
吹於壇所祝請神虎官將玉女追攝合千  
將兵只令引領一切亡魂並赴法壇分明  
顯見形魂次以攝魂符沉水中噴噴四向  
及二壇之中次燒監獄使者關文又燒神  
虎將吏錢馬文牒等法師焚攝召一應符

命以青幕閉少時令親人漸次入壇中四向壁上遠視亡魂見形與生存形容無二至昇度之時却令二小童執幡引出壇歸位法師用紫楓木雕神虎印方一寸九分五色囊貯之佩手肘後然後呼召行事

神虎二大聖並如古者王侯冠冠淡紅袍朱履佩翎錦綬執簿

七玉女並紫袂衣環髻鳳冠朱履羽裙珮珮手執生死簿

上部使者紫服 中部使者紅服

下部使者綠服並繡紋袍朝天脚幞頭紅抹額玉束帶魚尾刀綠靴

告玉札祝將三獻儀

道衆法事 灑淨

高功焚符 變神召將

靈寶大法司以今火急關召神虎雄左追魂何將軍雌右主魂喬將軍主魂七司玉女三部追魂張侯魏三使者追魂大將軍將軍陽耀通關陰靈攝魄神吏聚魂對魂整魂提魂神將諸司追魂攝魄將吏玄都英龍驛吏六

道功曹三界召魂使者引領亡魂童子黃泉蒿里文人九州社令神君土地里域正神監臨衛壇官將疾速赴壇奉宣天命存至上來關召傳符追攝官將吏兵既辱來臨幸承關告伏聞始青天上黍米珠中十備說經萬真

稟命玄範以之昭布大法由是宣行出莖龍傳令之規立神虎攝魂之典白簡頒而三界遵奉亦書降而九地開光歷劫度人隨時濟物況承精禱理合宣勝本司今據入憲除已錄奏天廷申聞地府關告城隍社令移文截

濟靈司以今翻布符章告行玉札普詣幽冥之界俱通考對之曹須精神靈庶遷滯爽既辱雲騰之俯降特陳菲禮以奉誠恭對神光用伸初獻

初獻酒  
伏以元始上帝開妙蘊於赤明之初中斗大魁總靈樞於玄範之府雄左雌右能達於三界九幽陽耀陰靈可攝於千萬魄是以澤覃無外請大宥於三天律示有經昭洪禧於萬寓欲顯幽之並濟宜符札以兼行用仰神

車載陳亞獻

亞獻酒

伏以傳令泉宮驛吏稟符而徧下召魂陰府紫文頒令以感通五嶽四瀆之冥司罷除考對十地六天之夜府開煥光明有召必臻無

遠弗屆若非威神之特達豈得報應之昭彰儻獲曲濟於沉淪敢不奏陳於勳績難滯眾靈之馭敬周三酌之儀畢此精衷各惟享鑒

終獻酒

伏以教存規式法有典章欲攝魂儀須憑文檄仗至靈之捷疾庶可宣通取亡爽於幽冥

立期響答追召公牒逐一披陳尚冀眾神當壇領受

宣關牒 符札

高功步神虎罡行持

上來公文已行敷示神靈可接必與奉承伏

以九極垂科十方被化爰遵典格用拯沉淪追召陰魂出離幽境上極三界下至九泉百二十曹考錄之司三十六地校量之所城隍里域分野名山嶽瀆靈真神庭祀典記錄罪

福主領魂神萬里黃泉淚冷水界應干去處  
合屬有司所至根尋依時攝見須神靈之佐  
助俾幽顯以昭融火急施行亟切報應

送神 向來

回向

發神虎催召文檄

道眾法事 高功望闕啓白

具位 臣姓某謹再拜焚香奏啓

三清上境八極天中大羅浩劫无上慈尊三

十六天無色世界天帝高真東極救苦天尊

玉輔上宰天省列真中天北斗星君三官四

聖靈寶五師恭望天恩俯垂鑒錄 聞靈風

被物實利濟以無窮真教流光故昇遷之有

格事當披懇敢不上聞 先據 某貫開建道

場薦資亡過 某返生善境 自慚塵陋謬玷

靈班既奉誠詞爰稽真典已奏聞於霄極恭

請降於符章普下幽冥追尋魂爽今則事期

已至攝召屆時合要亡靈赴壇受度茲當再

敷文檄催督吏兵庶使地司咸遵天律欲望

玄慈荐頒天旨嚴勅將吏徧告有司遵已降

之符章稟今來之號令開關啟道釋眾放魂  
疾速來臨火急報應儻幽關之無阻則玄貺  
之咸霑 干冒天威不勝惶懼之至謹言

關請將吏

以今焚香奉請神虎何喬二大元帥追魂七

司玉女三部追魂提魂攝魂吏兵聚魂對魂

神將追魂大將馬將軍陰關攝魂追魂二使

者追魂攝魂陰陽官將諸司追攝吏兵黃泉

萬里文人五道將軍功曹使者土地里域正

神伏願靈仗飛空神騾御景出北魁之仙府

遵靈寶之玄科咸造壇前奉行文檄須臾顯

應倏忽感通引領太虛即希來降

舉散花 高功再白

伏以金科崇重玉格昭明遵玄律以精修錄

凡情而關告聞奏九清三境頒命六洞九幽

拔度係薦之魂脫離沉冥之境況於真符已

降玉札荐敷律令宣行文移昭布事關幽壤

法有靈司將啓陰途須勞神力催促應干之

曹局嚴督合屬之吏兵照會姓名契勘鄉井

搜覈魂魄整對形神極三天九地之中遍六

合四維之內悉與追攝佇俟前來所有牒文  
謹當宣示

宣牒 焚燎

伏以天廷香漢雲路渺茫雖瞻望之莫適惟

精誠之可格上來文牒已見披宣諒爾至神

必回昭格仗神威之迅速攝魂於須臾顯

示條章嚴宣號令讚揚善化成就齋功即令

係薦之魂火急赴壇報應錢馬奉化風火驛

傳

表白回向

上清靈寶大法卷之三十六